



Pou Piblikasyon Imedya: 24/01/2023

GOUVÈNÈ KATHY HOCHUL

**GOUVÈNÈ HOCHUL ANONSE AGRANDISMAN SANT ANALIZ KRIM REJYON
KAPITAL LA AK METE AKSAN SOU PWOPPOZISYON ETA LETA YO POU
OGMANTE FINANSMAN POU AJANS FÒS DE LÒD LOKAL YO**

Nouvo sant lan reprezante yon amelyorasyon 500,000 dola, kat fwa gwosè ansyen lokal la, epi li gen espas pou de fwa kantite anplwaye

Youn nan 10 atravè eta a ki finanse pa yon envestisman rekò 15 milyon dola ke Gouvènè Hochul te garanti

Gouvènè a te mete aksan sou gwo inisyativ sekirite publik yo kòm yon pati nan Ajanda Eta Leta 2023 a, ki enkli agrandi rezo sant analiz krim la nan Vil New York, double finansman pou inisyativ pou elimine vyolans ki enplike zam yo, ak triple finansman bay 62 biwo pwokirè distri yo

Gouvènè Kathy Hochul te anonse jodi a ekspansyon Sant Analiz Krim Rejyon Kapital la nan Albany, youn nan 10 sant nan yon rezo eta a bay sipò pou analiz krim kritik, enfòmasyon, ak sipò nan ankèt pou ede ajans fòs de lòd yo rezoud, diminye, ak anpeche krim yon fason ki efikas. Sitiye nan Katye Jeneral Lapolis Vil Albany, sant lan te resevwa yon amelyorasyon 500,000 dola, sa ki fè li kat fwa gwosè ansyen lokal li a avèk espas pou de fwa kantite anplwaye. Apre li te fin vizite sant lan, Gouvènè Hochul te mete aksan sou gwo inisyativ sekirite publik yo ki enkli nan ajanda 2023 Eta Leta a, ki gen ladann elají rezo Sant Analiz Krim nan Vil New York, double finansman pou inisyativ Eta a pou Eliminasyon Vyolans ki Enplike Zam, ak plis pase triple èd pou 62 biwo pwokirè distri eta a.

"Pa gen pi gwo obligasyon pase asire chak Nouyòkè ka viv an sekirite, epi sa te toujou premye priorite mwen", **Gouvènè Hochul te deklare**. "Nou te pwofite resous lokal, eta ak federal yo pou kreye yon rezo inik ki se poto mitan efò ajans fòs de lòd lokal yo k ap konbat krim. N ap kontinye itilize zouti ak teknoloji dènye kri pou analize done ak pataje enfòmasyon - sa ki pèmèt envestigatè yo rezoud asasina, vòl, kabriyolaj ak krim ak zam atravè eta a, epi kreye yon New York ki pi an sekirite pou tout moun".

Gouvènè Hochul te vizite sant lan avèk Majistra Albany Kathy Sheehan ak Egzekitif Konte Albany Dan McCoy apre li fin rankontre ak Konsèy Direktè Sant lan pou aprann plis sou fason sant yo ede ajans lapolis yo ak biwo pwokirè yo, patikilyèman nan zafè

ki enplike zam afe. Atravè yon patenarya inik ant Divizyon Sèvis Jistis Kriminèl (Division of Criminal Justice Services, DCJS) eta a ak Biwo Etazini sou Alkòl, Tabak, Zam Afe ak Eksplozif Etazini (Bureau of Alcohol, Tobacco, Firearms and Explosives, ATF), 10 sant yo jwenn aksè nan Rezo Nasional Enfòmasyon Ballistik Entegre (National Integrated Ballistic Information Network, NIBIN) ATF la epi nan ete sa a, chak sant pral gen teknoloji sou plas pou trete douy yo epi idantifye korespondans potansyèl diferan sèn krim nan plizyè jiridiksyon atravè eta a. Pwosesis idantifikasiyon sa a te pran jiska yon mwa men kounye a pral pran 24 a 48 èdtan epi li gen yon evalyasyon presizon 99.6.

Komisè Divizyon Sèvis Jistis Kriminèl la, Rossana Rosado, te deklare, "DCJS fyè pou l bay patnè fòs de lòd nou yo resous enpòtan, fòmasyon ak lòt asistans pou yo ka pi byen sèvi kominate nou yo epi sèvi ak estrateji efikas pou ede anpeche vyolans ak zam epi redwi krim vyolan. Nou remèsyé Gouvènè Hochul pou lidèchip li ak sipò li pou efò sekirite publik nou yo, ki ede asire patnè fòs de lòd nou yo gen zouti yo bezwen pou konsantre sou pwoblèm ki pi enpòtan yo epi kreye kominate ki pi an sekirite pou tout Nouyòkè yo".

Ajan Espesyal Responsab pou Biwo Ameriken sou Alkòl, Tabak, Zam Afe ak Eksplozif la, John Devito, te deklare, "Patenarya sa a ant ATF ak tout patnè federal, eta ak lokal nou yo pa janm te osi solid nan Eta New York. Nou rekonesan espesyalman pou patenarya avèk Gouvènè Hochul, ak lidèchip DCJS paske yo anbrase estrateji rediksyon krim vyolan Ransèyman sou Zam Kriminèl ATF. Done ki soti nan swivi zam krim yo, analiz balistik ak kolaborasyon total pami patnè envestigasyon yo pral ede tout fòs de lòd yo pi byen pwoteje publik la. Tout sa se yon rezulta nan angajman Gouvènè Kathy Hochul ak Komisè DCJS Rossana Rosado pou envesti ak elaji sou resous vital sekirite publik sa yo atravè eta a, epi finalman nan peyi a".

Premye etabli an 2009 pou sèvi ajans fòs de lòd nan Konte Albany, Sant Analiz Krim Rejyon Kapital la kounye a sèvi konte Columbia, Montgomery, Rensselaer, Saratoga, Schenectady, ak Washington epi li bay asistans a nenpòt ajans lapolis oswa biwo pwokirè sou demann. Sant sa a aktyèlman gen 24 analis ak pèsonèl, ke swa DCJS oswa ajans lokal, eta ak federal ke yo asiyen yo finanse, ki gen ladan depatman lapolis Albany ak Schenectady; Depatman Pwobasyon Konte Albany; Lapolis Eta New York; Gad Nasional New York; Zòn Trafik Dwòg Gwo Entansite nan New York-New Jersey (HIDTA); ATF; ak Biwo Envestigasyon Federal (FBI). Nouvo lokal 4,100 pye kare a pèmèt sant lan gen espas pou resevwa jiska 39 anplwaye.

Ane pase, Gouvènè Hochul te sekirize 15 milyon dola nan bidjè ane fiskal 2023 pou Rezo Sant Analiz Krim, ke DCJS administre, ki te prèske double envestisman eta a. Lòt sant ki nan rezo a sitiye nan Konte Broome, Erie, Franklin, Niagara, Monroe, Oneida, Onondaga, Orange, ak Suffolk epi, an total, rezo a sèvi plis pase 350 ajans fòs de lòd nan 43 konte, ansanm ak nenpòt ajans sou demann. Chak sant gen yon konsèy administrasyon ki gen reprezantan DCJS ansanm ak ajans lokal ak eta ki sipèvize yo.

An 2022, anplwaye nan 10 sant yo te reponn plis pase 66,000 demann pou asistans nan men ajans fòs de lòd lokal, eta ak federal yo, ki ede ajans yo rezoud asasina, vòl, kanbriyolaj, krim ak zam, ak lòt ka grav. Semèn pase a, Depatman Lapolis East Greenbush te anonse li te rezoud asasina 1994 Wilomeana "Violet" Filkins ki te gen 81 an; pèsonèl sant Rejyon Kapital la te bay sipò pou ankèt ki te ede nan ka a.

Nan ajanda Eta Leta 2023 Gouvènè a, Gouvènè Hochul [dekri yon plan sekirite publik konplè ak envestisman](#) pou diminye vyolans ak zam ak krim vyolan ki gen ladan:

- Elaji Rezo Sant Analiz Krim Eta a nan Vil New York.
- Double finansman pou inisyativ Eliminasyon Vyolans ki Enplike Zam (GIVE) nan 36 milyon dola. Inisyativ GIVE sa a sipòte 20 depatman lapolis nan 17 konte ki reprezante plis pase 80 poustan krim vyolan ki fèt nan Eta New York andeyò Vil New York: Albany, Broome, Chautauqua, Dutchess, Erie, Monroe, Nassau, Niagara, Oneida, Onondaga, Orange, Rensselaer, Rockland, Schenectady, Suffolk, Ulster ak Westchester. Biwo pwokirè distri yo, depatman pwobasyon yo, biwo cherif yo ak lòt patnè nan konte sa yo tou resevwa finansman atravè inisyativ la.
-An 2022, fiziyad nan plizyè jiridiksyon GIVE te diminye pa rapò a ane anvan an, tankou Buffalo (diminye 32 poustan), Long Island (diminye 29 poustan), Westchester (17 poustan), ak Rochester (13 poustan).
- Ranfòse sipò Lapolis Eta a nan ogmante Inite Estabilizasyon Kominotè yo soti 16 pou rive nan 25 kominate, nan finanse kat klas akademi san parèy epi ogmante prezans nan gwooup travay federal yo.
- Plis pase triple finansman nan 52 milyon dola, ki te 12 milyon dola, pou 62 biwo pwokirè distri yo ak soutni finansman dekouvèt ak sèvis anvan pwosè pou depans ki asosye ak aplikasyon refòm jistis kriminèl resan yo nan pwosedi dekouvèt ak anvan pwosè, ki te antre anvigè 1 janvye 2020.

Diminye vyolans ak zam

Ane pase, fiziyad yo te desann 17 poustan nan vil New York ak 15 poustan andeyò vil la. Anplis de sa, tout ajans fòs de lòd yo te sezi 10,093 zam atravè New York ane pase a. Sa a make yon ogmantasyon 59 poustan pa rapò a 2019, kote yo te sezi 6,819 zam, ak yon ogmantasyon 11 poustan pa rapò a 2021, kote yo te sezi 9,088 zam. Sezi zam Lapolis Eta a ogmante tou jiska 160 poustan konpare ak nivo anvan pandemi, soti nan 528 sezi an 2019 pou rive 1,376 an 2022. Lapolis Eta te sezi tou 120 zam fantom an 2022, ki se 85 poustan plis pase an 2021.

Depi li te antre an fonksyon, Gouvènè Hochul te pran mezi pou ranfòse lwa prevansyon sou vyolans ak zam Eta New York la nan fè avanse efò pou:

- Entèdi zam fantom.
- Elaji elijibilite liberasyon sou kosyon pou krim ak zam.
- Ranfòse pouswit kont trafik zam.
- Oblige itilize Lwa sou Siyal Alam (Red Flag Law) lan ki mennen nan plis pase 5,400 emision Òdonans kont Pwoteksyon Risk Ekstrèm, sa ki te yon ogmantasyon 300 poustan pa rapò ak 2021.
- Ogmante laj pou achte zam semi-otomatik nan 21 ane.

- Lanse premye [Gwoup Travay sou Zam Ilegal ant Plizyè Eta](#) nan peyi a ki pral reyini nan mitan mwa fevriye.
- Triple envestisman eta a nan pwogram entèripsyon vyolans ak zam yo.

Majistra Albany an, Kathy Sheehan te deklare, "Albany fyè dèské li abrite pi novo ak pi gwo Sant Analiz Krim nan Eta New York. Travay k ap fèt la a ap ede nou retire yon kantite rekò zam ilegal nan lari nou yo, arete moun ki vyolan, epi idantifye tandans pou ede nou enfòme deplwaman pwoaktif resous lapolis nou yo. Mèsi Gouvènè Hochul ak Komisè DCJS Rossana Rosado paske yo fè patenarya ak Chèf Hawkins ak Depatman Lapolis Albany epi fè envestisman enpòtan sa a k ap amelyore sekirite piblik chak jou".

Chèf Egzekitif Konte Albany, Daniel P. McCoy, te deklare, "Nouyòkè yo merite lapè nan tèt ki vini avèk zafè viv nan kominate ki an sekirite, epi envestisman 500,000 dola sa a pou yon sant analiz krim elaji nan Albany se yon lòt demonstrasyon angajman Gouvènè Hochul pran anvè sekirite piblik. Jodi a mwen te kontan vizite novo etablisman an ak Gouvènè a ak Majistra Sheehan pou m wè dirèkteman travay enpòtan k ap fèt pou ede lapolis lokal yo retire zam nan lari epi anpeche krim vyolan alavni".

[Divizyon Sèvis Jistis Kriminèl la](#) se yon ajans sipò pou jistis kriminèl ki gen plizyè fonksyongen epi ki gen divès responsabilite, ki gen ladan yo fòmasyon pou fòs lapolis yo; koleksyon ak analiz done krim atravè tout eta a; konsèvasyon dosye enfòmasyon istwa kriminèl ak anprent yo; sipèvizon administratif baz done ADN eta a, an patenarya avèk Lapolis Eta New York la; finansman ak sipèvizon pwogram libète kondisyonèl ak pwogram penitansye kominate yo; jesyon finansman jistis penal federal ak eta yo; sipò pou ajans ki gen rapò ak jistis penal toupatou atravè eta yo; ak jesyon Rejis Delenken Seksyèl eta a (State's Sex Offender Registry). Swiv ajans lan sou [Twitter](#) ak [Facebook](#).

###